



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. I. Præmittuntur quæ apud omnes sunt certa,

[urn:nbn:de:hbz:466:1-77146](#)

ex tali existentia nihil perfectionis de novo in se recipiat.

ARTICULUS IV.

Vtrum Angeli futura contingentia seu libera naturaliter cognoscere possint?

§. I.

Pramittuntur que apud omnes sunt certa.

75:

Certum est Angelos naturaliter cognoscere futura necessaria, qualia sunt ea quae continentur in causis naturaliter ad eorum productionem determinatis, atque adeo de lege Dei ordinaria inimpeditibus. Sic Angeli multò melius quam Astrologi norunt eclipses fururas, cursus planetarum, & tempestates inde secuturas, & alia similia: habent enim universaliter & mirabilem scientiam causarum naturalium, & consequenter effectuum ex illis naturaliter & necessario provenientium.

76.

Certum est etiam, Angelos posse futura contingentia & libera, id est à causis contingentibus & liberis dependentia, cognoscere cognitione quadam conjecturali, ex aliquibus indicis solum probabilibus deductā, atque adeo incertā: sicut Medicus ex tactu pulsū, inspectione urinæ, & aliis indiciis, præcognoscit sanitatem infirmi. Nam cùm diuturna observatione, & plurimum annorum experientia, sciant quæ ut plurimum hominum voluntates inclinare soleant, & quæ ex fussionibus, temptationibus, occasionibus, & aliis hujusmodi sequantur, prædicta futura conjectantur. Unde solum restat difficultas an ea certò & infallibiliter virtute sua naturali scire possint?

§. II.

Conclusio negativa statuitur.

77

Dico igitur, Angelum per vires suæ naturæ, & secluso lumine divina revelationis, non posse certò præcognoscere futura contingentia & libera, v.g. ista: Job vincet temptationem Dæmonis in extrema sua nuditate, afflictione, orbitate &c. Adam verò in paradiſo deliciis affluens, cedet temptationi & suggestioni Dæmonis. Ita S. Thomas hic art. 3. & communiter Theologi cum illo.

Colligitur ex Scriptura & SS. Patribus, afferentibus prædictionem futurorum, certissimum esse Divinitatis signum & argumentum: nam Isaia 41. dicitur: *Annuntiate que ventura sunt, & dicimus quia Dii sunt vos.* Et cap. 46. *Ego sum Deus, & non est ultra, nec est si illis meis, annuntians ab exordio novissima, & ab initio que nondum facta sunt.* Item Danielis 2. ex hoc collegit Nabuchodonozor, Deum Danielis verum Deum esse, quia potuit revelare somnium suum de futuris contingentibus. Propter quod Chrysostomus homil. 18. in Joan. Certas, inquit, futurorum prædictio, immortalis Dei solus opus est. Et Tertullianus in Apolog. cap. 20. Idoneum opinor testimonium Divinitatum, veritas divinationis. Accedit communis hominum consensus; nam apud omnes gentes, præcognoscere futura libera ab aliis exequenda, appellatur *divinare*, ut per hoc significetur, talem præscientiam esse aliquid divinum, Deoque maximè proprium.

A **P**otest etiam probari conclusio ratione D. Thomæ. Si Angelus per vires sue naturæ posset cognoscere futura contingentia, vel ea cognoscet in causis, vel in seipso? Non in causis, quia liberum arbitrium ex se indifferens est ad unam & alteram partem, & æquæ respicit unam atque alteram; subindeque ex illo non magis intelligitur eventus futurus quām non futurus: nec in seipso, quia futura non existunt in tempore, quod est propria illorum mensura, cum non sint producta, & extra causas posita; sed solum in mensura superiori eternitatis, quæ cùm sit infinita & indivisibilis, ambit omne tempus, coexistit non solum rebus praesentibus, sed etiam præteritis & futuris, & ut loquitur S. Doctor: *Cum sit simplex, toti temporis adeq., & ipsum includit.* Atqui sola cognitionis divina mensura eternitate, non verò angelica, cuius propria mensura est ævum, vel tempus dicitur, ut supra disputatione 6. ostendit est: Ergo solum Dei est, omnia futura in seipso videre, prout sunt praesentia in mensura sua eternitatis, non verò hominis, vel Angelii.

Eadem ratione utitur idem S. Doctor infra quæst. 86. art. 4. ad probandum intellectum humanum non posse per vires sue naturæ futuram contingentia cognoscere. Illam tamen despici Vazquez hic disp. 108. cap. 2. vocans *anima*: quia (inquit) licet Angelus per vires sue naturæ non possit certò cognoscere futurum contingens, neque in seipso, neque in suis causis, bene tamen in veritate objectiva propositionum contradictoriarum, quæ de ipso futuro ab Angelo formari possunt: utpote cùm haec sit natura illius propositionum, quod antecedenter ad quicunque determinationem causarum sui obiecti una sit determinatè vera, & altera falsa. Adit non posse ratione philosophicâ veritatem istam probari, sed solum ex Scriptura & SS. Parum testimonis. Sux tamen paulò post assertions oblitus, num. 19. ait, ideo Angelum non intelligat futura contingentia, quia non sunt objecta naturaliter accommodata ejus intellectui.

Verò haec ratio Vazquez nihil aliud est, quām ridicula principii petitio: quid anima aliud est futura illa non posse certò cognoscere ab Angelo, quām esse objecta intellectui eius imprportionata, sive non accommodata? Hoc ipsum ergo est quod inquiritur, & quod remanet probandum: cur scilicet futura illa non sint objecta proportionata intellectus Angelici. Addo quod, cùm sint objecta naturalia, ac proinde ejusdem ordinis cum potentia Angelii, sufficienter ei videantur esse proportionata.

Aliud verò quod dicit Vazquez, nempe futura libera posse ab Angelo cognoscere in veritate objectiva propositionum contradictoriarum de futuro contingentem, non minus absurdum est: nam ratio & lex contradictionis petit solum quod si una pars est vera, altera sit falsa; non autem quod si alia sit determinatè vera, ridiculum enim est dicere quod v.g. ista propositionis: *Petrus erat ambulans*: ex eo quod illi apponam contradictoriarum (quod omnino per accidens est) reddantur certa & determinata. Unde D. Thomas quæst. 16. de malo art. 7. *Ea que sunt ad eternitatem, non possunt præcognoscere in suis causis determinatae, sed sub disunctione, utpote quia erunt vel non erunt, sic enim habent veritatem.* Determinata ergo veritas in futuris contingentibus, nec ex ratione oritur, nec ex natura ipsius futuri.